

6. august 2012

Inatsisartut suleriaasianni § 37 naapertorlugu, matumuuna apeqqutit makku Naalackersuisunut saqqummiuppakka:

Akileraaruteqartarnermik allagartamik atuisarneq pillugu apeqqutit

1. Inuit assigiinnngitsut katissimanngitsut arlallit imaluunniit inuit inooqatigiinnngitsut akileraartarnermik allagartaq ataaseq atorlugu isertitaqartarnerat pisinnaava, inatsisinillu tamanna eqqortitsinerua?
2. Apeqqut 1-imut atatillugu, inuk nunanit allaneersoq nunanit avannarlerneersuunngitsaq, sivikinnerusumillu sulisinnaanermut akuersissummik pigisaqarani nunatsinniittoq pineqarpat tamanna allaanerussava?
3. Inuk sivikinnerusumik nunatsinniittoq taamaallaat akileraartarnermut allagartamik pigisaqarnermigut nunatsinni sulisinnaanermut akuersissummik pigisaqartut taaneqarsinnaava – inuimmi taakku pineqartut akileraartarnermut allagartamik pissarsisinaanannut sulisinnaanermut akuersissuteqartariaqarnerat eqqarsaatigeqqajaanarsinnaammat?
4. Inuup nunat avannarliit avataaneersup nunanit allaneersup maanili nunassissimasup, inummut allamut nunani allaneersumut, sivikitsuinnarmik maaniittumut, immaqalu takornariarnermut atatillugu nunatsinniinnissamut akuersissummik taamaallaat pigisaqartumut, avataanit suliarortitit killilersimaarneqarnerat pillugu maleruagassanik akileraartarnerluunniit pillugu inatsisinik sanioqqutsinissaq siunertarlugu, akileraartarnermik allagartaq pigisani atorlugu isertitaqartissinnaavaa?
5. Inunnik sullissinermik ingerlatsilluni sulisunik sivikitsuinnakkaartumik nunatsinniittunit nunat avannarliit avataaneersunit aqqissuussamik akileraartarnermut inatsisinik unioqqutsitsisoqartarneranik Naalackersuisut ilisimasaarpat?
6. Naalackersuisut apeqqutinut siuliani taaneqartut ilaannannulluunniit akuersaartumik akisinnaappata, taava tamatumunnga tunngatillugu Naalackersuisut eqqarsaatersuutunik sunik iliuuseriniakkanillu sunik kiisalu Akileraartarnermut aqutsisoqarfimmi sulinerup aqqissuuneqarneranut atatillugu sunik isumaliuteqarlutillu eqqarsaatersuuteqarpat?

Tungavilersuut:

Suliffissaaleqineq suli annertusiartorpoq, taamaammallu nunaqavissut ataavartumik suliffissaqartinneqarnissaat pingaaruteqarluinnarluni, soorlutaaq allat nunatsinni sulinissamik kissaateqartut eqqortumik nunatsinnilu pisortani malitassaritneqartut atorlugit eqqortumik sullinneqarnissaat aamma pingaarluni.

Taamattaaq aamma nunatsinni suliffinni pissutsit aqqissuussaasumik ingerlanneqarnissaat pingaarpoq, taamaalilluni akileraartussaataasut pinngitsoornatik akileraartarnermut akiliisarnissaata unioqqutinneqarnani pisarnissaa pingaaruteqarpoq, taamaalillutik aamma taakku nunatsinnut akilersueqataasinnaaqullugit.

Apeqqutit taakku aqutigalugit ingammik suliffini sullissinermik ingerlatsiffiusuni, ilisimaneqartut avataanit suliarortitanik, sivikitsuinnarmik nutsinnissorinartunik amerlasuunik sulisoqarfiusuni akileraartarnermik maleruagassanik sanioqqutsisoqartarnerasoq

paasisaqarfigerusuppara. Taamattaaq apeqqutit uku aqqutigalugit tunoqqutsilluni
akilernerluisoqarluniluunniit inunnik nunani ineriartorfiusunit akissaatikitsunik
atornerluisoqarsinnaanerup pinngitsoortinnissaa peqataaffigerusuppara.

Naalakkersuisut ullut suliffiusut qulit iluanni akissutissaat qilanaaraara.

Inussiarnersumik inuulluaqqusillunga

Akitsinnuaq Olsen
Siumut sinnerlugu Inatsisartunut ilaasortaq